

RECIT

DEUS AR

MALEURIO ARRUET EN DEPARTAMANT AR VAR

En dro da Sant-Etienne

OCCASIONET GANT AN ORACH

AR 14 HAC AR 15 A VIS EVEN DREMENET

Jesus, ma Salver adorabl,
Obtenet d'ho pec'her ingrat
Ar sclerigen da discleria
D'ar Vretonet, dre ar vro-ma.

Speret-Santel deus an env,
Gret din explican ep dale
Ar suit dimeus ar maleurio
Hac un darn deus ar miraclo.

Quement-mâ so bet arruet
En departamant Var hanvet,
Dre deluch dour ha curuno,
Hervez ma raport ar e'helo.

Ma speret so epouvantet
Ha ma memoar so troublet
O tonet da sonjeal explican
Eur malheur an effroyaplan.

Un ilis hanvet Sant-Germain,
Un templ santel d'ar gristenien,
Etre ma voat en ofern bred,
Gant ar curuno attaquet.

Habitantet leis an ilis
A voa o assistan en ofiç :
Den neus gallet sortian,
Oll o deus renqet peissan.

An douar a deu da grenau
Hac a ra d'an ilis coean
Var guein qement a voa enni,
En eur moment d'ho ecrasin.

O ma Jesus! tristan malheur !
Dre eur merq dimeus ho coler
Perisset tud an ofern bred
Ep ma so hinin sortiet.

Totaliset gant tud savant,
Var ar bord a pevarzec cant
A voa en ilis biniguet,
Hac a so devet ha beuet.

Nebetoc'h evit eur cart-heur
Goude ma voa fin d'ar malheur,
E plaç an ilis so savet
Eur stang hir ha ledan meurbet.

Flotant ar caeran batimant
So cavet a donder er stang,
Ha c'hoas e lavar ar scritur
Ne dap qet ar fong ar mesur.

Pedomp Doue a vir galon
Dã accordiã deze pardon
Ha d'ho lacat oll da repos
Er gloar dimeus ar barados.

An otro Richard, deus e di,
Dious e dud o quimniadi,
A guemeras e diare
Da vont da ober un dro chasse.

Pa voa et dec paç dioute,
E return e dro adare
Hac a lavar n'eur guir crenn :
Adieu, ma zud, evit biqen.

An itron, o clevet anezan,
A commanças da hirvoudan :
Perac, ma priet, emezi,
E teut cren d'hon abandonin.

Evel ma hantre er c'hoat bras,
An dour varnezan a deuas,
Hac en em retir ep appel
E appu, er span eur rochel.

Assambles gant an dour courant
E commanç un tan violant,
An tempest hac ar curuno,
Qen a songe e voa maro.

Pardon, ma Doue, emezan ;
Aman e renqan perissan,
Ep gallout en em repuin
Ha bean cals a vado din.

En eur sevel var eur garrec,
E neus bet apercevet
An tan coëet dious an evo
Var e noblanç hac e vado.

O hebes desolation
A antreas en e galon
Guelet consomin e vado,
E vreg hac e vugaligo !

An itron, o velet an amser,
A supplias prest e mevel
Da vonet da glasq he priet ;
Mar guie pelec'h e voa eet.

Evel ma hantre er coat bras,
Souden gantan e arruas,
E appu ar span eur rochel
Hac e disposet da vervel.

Sevet, ma mest paour, emezan,
E oc'h var ar pœont da perissan :
Gand Doue e eo preservet
Ho pugale hac ho priet.

Respont a eure d'e vevel
E lezel enon da vervel,
Pa voa consomet e vado,
E vreg hac e vugaligo.

Renqout a ra touet dezan
Qent men deus credet anezan,
E voa preservet gant Doue
E priet hac e vugale.

Gant cals a poan hac a courach
E teujont e maes ar c'hoat bras,
En dour betec ho dio gasel,
An otro-man hac e vevel.

An otro so n'em vuestet
Dre eur miracl e voa rentet
E quichen grujio ar vezen,
Ne voa e dud exit souten.

Pa voa gant e dud o parlant,
E teu var e lerc'h un torrants
Hac ar vezena voa ennan
Neus groet dezan perissan.

Chetu i chomet intanves
Ha hi leun a tristedigues,
Er voen gant e zri buguel
Hac i disposet da vervel.

Pa eo bet bolonte Doue,
E eo et an dour ac'hane,
Hac int sicouret da disqen
Gant Doue hon mest scuveren.

C'hoec'h heur ha tregont a amzer
Int bet er voezen en miser;
Da soulagin ho c'halono
N'ho d'oa nemert an delio.


Ar mest a commande er forgeo,
An otro Seveni e hano,
A voa attaqet gant an dour
Ep gallout dont da n'em sicour.

Prosternin a ra dan daolin -
Da supplian hon Mest divin,
Hac hon Mam santel ar Verc'hes
Da vezan e avocades.

Mar sovetean ma bue,
Ha ma ouvrierien ha me,
Me a savo un ti ar c'haeran
Evit ar pevien er vro-man.

E nebetoc'h evit pemp minuten,
Eo beuzet e ouvrierien,
Ar forgeo, e varc'hadoures,
Tout int perisset assambles

Honor d'an otro Seveni
Var an douar ha melodi,
Ha pa hei divar ar bed-man,
Ar barados da jouissan.





RECIT

COMPOSET A NEVE

VAR UN TOL VAILLANTIS

ERRUET A DOST DA BARIS

AN 3 A VIS MEURS DREMENET

Var eun ton neve.

Me ho ped, assistantet, da glevet recitan
(Ma-unan hon estonet dimeus a guement-man)
Ar pez a so arruet var ar c'hopi gallec,
Mar gallan goût ar feçon d'ho zrei en brezonec.

Mes, gent avanç davantach, e c'houllan sclerigen
Digant ar Speret-Santel, da riman pen-da-ben
Qement gir a so scrivet var ar c'hopi gallec,
Ha d'ho esplican facil d'an oll en brezonec.

Ur vreg yaouanc magueres, o tistrei a Baris,
Bet e qerc'hat ur buguel eus a dy ur bourc'his
Da gass ganti da vagan en toes he bugale,
Evit sicour o zével ha gonit bara dé.

Dre ur c'hoat e renc tremen o vont da gaout ar guer
Hac eo bed attaquet, siouas! gant ur voler,
Hac en guisquet en belec, o tont d'e bonjouri :
Ar goad en e goaziet a deu da remui.

« Bonjour, eme an den-man : erru oc'h, ma greg vad.
— Ha dec'h-u pareillamant, emei, autrou'n abbat!

Souet hon ous o goelet aman o pazeal,
Rac ar c'hoad-man so brudet da vean un doull fall.

— Doue, eme al laer-man, a breserv pep-hini :
Me so aman o vale da n'eum disenoï,
Hac e meus ma slijadur, o c'hortos overnia ;
Da laret ma breuvial na deu den d'am zroubla. »

O qerzet en he c'hever, en deus interrojet
Da c'hout a belec'h e teue ha pelec'h e oa bet,
O voelet e oa ganti var e brec'h ur buguel,
Hac en guisqet ar c'haeran, casi evel un æll.

Goude en deus goulennet outhi incontinant
Ha ne devoa bet netra evit avançamant,
O qemeret ar buguel da zicour e soigni,
Da denna ar virione, mar galje, diganti.

« Eus, emei, autrou'n abbat, arc'hant em eus touchet :
Cant leur em eus recevet evit e guemeret,
Nemert ma meus ar greden e collin ma bue,
Qent mont emes ar c'hoad-man, an innoçant ha me.

— Na sonjet qet gement-se, emean, ma greg vad ;
Me a vo dec'h compaignon da vont er mes ar c'hoad :
E zoc'h gant ar c'habiten, n'ho pezo droug ebet,
Nemert ma renqet rentan ar pezo o c'heus touchet. »

A zidan e soutanen e tennas ur zabren
Hac e savas anezi ractal a us d'he fenn,
Hac e c'houlennas ganti ar yalc'h pe ar vue,
Ha laret dean pelec'h e deus lacqet ane.

« Plasset e meus aneze en dro d'an innoçant ;
Goel e ganen ma bue evit aour nac arc'hant.
Caët a ret aneze o tont d'e zispaca,
Ha lest ma bue ganen hac e-hini gantan. »

Cregui a ra er buguel en ur memeus instant,
Evit tont d'e zispacan da guemer an arc'hant :
Dre bermission Doue e fappas ar zabren,
Ha gant un tol, dre vonheur, en deus rannet e benn.

Hep m'en deus bet ar amzer da guemer an arc'hant,
E ranqas mervel eno er plac, subitamant,
Hac ar vreg hac ar buguel dre viracl so rentet
Voar an hent bras pareabl, ep m'ho deus droug ebet.

Tri gendarm a erruas hac o deus goulennet,
O velet ar goad outhi, petra oa erruet,
Hac e deveus ispliqet diraze pen-da-ben
En devoa lazet ar mestr dimeus ar volerien.

Dont a reet ganemp-ni, emeze, var ho qis,
Evit ma elfomp goelet ar mercq ho vaillantis.
Pa oue fouillet an den-man, eo e armo cavet,
Diou bistolen a daou den, ur zabren, ur sifflet.

P'ho devoa gret ho ingal hac ho proces-verbal,
Unan demeus ar gendarm a c'hoez enni ractal,
Hac en em rentas pevar deus e gamarado
Da velet ho c'habiten var an douar maro.

Pa veljont an habijo e fellas d'e tec'het ;
En um renta a ranqont pe deuan da vervel,
Ha lezel ho garotti hac o c'has dar prison :
En Paris e recevont ho c'hondaonation.

Hac ar vreg hac ar vuguel so conduit dar guer,
He vaillantis so brudet ebars en peb qarter.
An hini en deus invantet distrei ar ganouen
A chom en parros Pleuyel ; e hano YAN AR GUEN.

